

"মিষ্টি বাচ্চারা - বাবার যেমন সকলের প্রতি দয়া আসে, ঘৃণা আসেই না, তেমনই তোমরা বাচ্চারা কারোর প্রতি ঘৃণা করো না, তোমরা দয়ালু হও"

প্রশ্ন :-- দয়ালু বাবার সম্পূর্ণ বিশ্বের প্রতি একটাই প্ল্যান আছে, সেই প্ল্যান কি ?

উত্তর :-- সমস্ত মনুষ্য আত্মাদের তত্ত্ব সহ পতিত থেকে পবিত্র করা, মুক্তি এবং জীবনমুক্তির অবিনাশী আশীর্বাদী বর্ষা প্রদান করা । বাবার এই একটাই প্ল্যান আছে । তোমরা বাচ্চারা হলে বাবার সাহায্যকারী । তোমাদের প্রথমে নিজের প্রতি দয়া করতে হবে । শ্রীমত অনুযায়ী চলে নিজেকে পবিত্র বানাতে হবে । তারপর সকলকে বিকার রূপী দুর্গন্ধ থেকে মুক্ত করার সেবা করতে হবে ।

গীত :- কে এল আজ আমার মনের দ্বারে ...

ওম শান্তি । কে এসেছে ? বাবা এসেছেন । কার কাছে এসেছেন ? বাচ্চাদের কাছে এসেছেন । বাচ্চারা কার কাছে এসেছে ? বাবা বলেন, আমার কাছে । এখন তোমরা সামনে বসে আছ । তোমরা জানো যে, বাবা অনেক দয়ালু । বাবা জানেন যে, এই মায়া আমার বাচ্চাদের অনেক দুঃখী এবং পতিত করেছে । এ কথা বাচ্চারা জানে না । বাবা যেহেতু জানেন, তাই বাবার তো দয়া আসে, তাই না । ঘৃণা কখনো আসবে না । বাবা বলেন যে, আমি তোমাদের সুখের সম্বন্ধে পাঠিয়েছিলাম । এ হলো পাঁচ হাজার বছরের কথা । এরপর ড্রামা অনুসারে মায়া তোমাদের দুঃখী করেছে । প্রথমে তোমরা সত্যপ্রধান ছিলে, তারপর রজো এবং তমোতে এসেছো । এ কথা আমিই জানি । তোমরা হলে আমার বাচ্চা । আমাকেও আসতে হয় বাচ্চারা, তোমাদের পবিত্র করতে এবং রাজ্য - ভাগ্য দিতে । বাচ্চারাও বুঝতে পারে যে, বরাবরের মতো বাবা এসেছেন । তিনি হলেন প্রেমের সাগর, শান্তির সাগর । তিনি এসে আমাদের সুখ - শান্তির দুনিয়ায় নিয়ে যান । বাবা জানেন যে, এই মায়াই হলো সকালের অতি বড় শত্রু, তাই আমি এখন এসেছি কিন্তু আমি হলাম বিচিত্র, তাই আমাকে কেউ চিনতে পারে না । আগে মানুষ মনে করতো, কৃষ্ণ রাজযোগ শিখিয়েছিলেন, তিনিই স্বর্গের মালিক বানিয়েছিলেন কিন্তু তিনি কবে এবং কিভাবে বানিয়েছিলেন --এ কথা কেউ জানে না । এখন বাবার খুব দয়া আসে কেননা তিনি জানেন যে, বাচ্চারা মায়া অর্থাৎ পাঁচ বিকার ভূতের বশীভূত হয়ে গেছে । ওরা পরবশ, তাই আমি ওদের উদ্ধার করি । বাবা বলেন যে, বাচ্চারা, তোমরা এখন আমার জন্য অথবা এই ভারত বা সম্পূর্ণ ইউনিভার্সের জন্য আমার মতে চলো । আমাকে স্মরণ করো এবং দয়ালু হও । সবাইকে বাবার পরিচয় দাও । জজেরাও গডের নামে শপথ করায় । কিন্তু তা কেন ? এ কথা কেউ জানে না । এই গড কে ? কেবলমাত্র গড বলে দেয় । ফাদার শব্দও তো আছে । যখন শপথ করানো হয় তখন তারা বুঝতেও পারে না । তারা বলে দেয়, গড ফাদারের নামে শপথ করো কিন্তু এই ফাদারকে তো তারা জানেই না । এখন তোমরা বাচ্চারা জানো যে, তিনি হলেন গড ফাদার । তারা শপথ করে কেননা তারা এই কথা মনে করে যে, যদি আমরা কিছু ভুল কাজ করি তাহলে বাবা শাস্তি দেবেন । ঘরে যেমন বাচ্চারা উল্টো কোনো কাজ করলে, তারা ভয় পায় যে, বাবা না খাপ্পড় মারে । ওরা গডের নামে শপথ করে । তারা কিন্তু জানে না যে এই গড কে ? তিনি কিভাবে সাজা দেবেন ? খ্রীষ্টানরা বাইবেলের শপথ করে । কেউ আবার গীতার শপথ করবে । তারা মনে করে যে, গীতার ভগবান কৃষ্ণ ছিলেন । তাই কৃষ্ণকে সামনে রেখে ক্ষমা চেয়ে নেয় । তারা মনে করে যে, যদি

আমরা ভুল বলি তাহলে তিনি দণ্ড দেবেন। এখন সত্য তো এক বাবাকেই বলা হবে। ক্রাইস্টকে সম্পূর্ণ দুনিয়া সত্য বলবে না। সদা সত্য তো হলেন গড ফাদার, কিন্তু তাঁকে কেউ জানে না। বাবা এসে যখন বাচ্চাদের জন্ম দেন, তখন বাচ্চারা বাবাকে জানতে পারে। এখন তোমরা বাচ্চারা জানো যে, বাবা তোমাদের আপন করে নিয়েছেন। এই মাতার দ্বারা তোমাদের রচনা করেছেন। তাঁকে আদি দেবও বলা হয়। বাস্তবে আদি দেবীও আছেন। মাঝ্মাকে যদি আদি দেবী বলা হয় তাহলে তাঁর থেকে বড় আদি দেবী ইনি হয়ে যান। এ অনেক বড় গুহ্য কথা। যারা অনেক বিশাল বুদ্ধির হবে, তারাই এই কথাকে বুঝতে পারবে। এ কথা বলাও হয় যে, বাবা পতিতকে পবিত্র বানান। অচ্ছা, পবিত্র দুনিয়া কোনটা? মুক্তিকে কি পবিত্র দুনিয়া বলা হবে নাকি জীবন মুক্তিকে পবিত্র দুনিয়া বলা হবে? এ কথা কেউই জানে না। গায়ন তো অনেকই করে। তাদের বুদ্ধিতে কেবল এই কথাই আছে যে, পরমাচ্ছা আসেন। কিন্তু তাঁর রূপ ইত্যাদি তারা জানে না। আবার বলে দেয় যে, তিনি সর্বব্যাপী।

বাবা খুবই দয়ালু এবং তিনি প্রেমের সাগর। তাই বাচ্চাদেরও দয়ালু হওয়া উচিত। সকলকে ভালোবাসা উচিত। বাবা অনেক দয়া করেন তাই তাঁকে দয়ার সাগর বলা হয়। বাবা বলেন যে, তত্ত্ব সহিত সম্পূর্ণ সৃষ্টির উপর আমি দয়া করে থাকি। আমি জ্ঞানেও পূর্ণ। প্রেমেও আমি পূর্ণ। আমি তোমাদের অতি প্রিয় বানাই। কৃষ্ণ যেমন কত সুন্দর এবং প্রিয়। তাঁর ঘরানায় সকলেই প্রিয়। বাস্তবে সাম্রাজ্য বা বংশ সবসময় রাজারই হয়ে থাকে। যেমন কিং এডওয়ার্ডের রাজত্ব বলা হবে। প্রিন্স অফ ওয়েলসের বলা হবে না। প্রিন্স আবার কিং হয়ে যায়। এও তেমনই। কৃষ্ণের রাজধানীর সঙ্গে খ্রীষ্টানদের অনেক সম্পর্ক আছে। ওই খ্রীষ্টানরা কৃষ্ণের রাজধানী থেকে অনেক উপার্জন করে। প্রথমে তারা কৃষ্ণের রাজধানীকে নিজের দখলে নিয়ে নেয়। তারপর আবার ফিরিয়ে দেয়। কৃষ্ণেরই বলুক বা লক্ষ্মী - নারায়ণের, রাজধানী তো ছিলো, তাই না। এখন ওই খ্রীষ্টানরা কৃষ্ণকে বিশ্বের রাজধানী দিয়ে দেবে। এই রহস্য কত আশ্চর্যের। এখন তারা কৃষ্ণের রাজধানীকে সাহায্যও করছে। অবশেষে সম্পূর্ণ রাজধানী কৃষ্ণকে দিয়ে দেয় তাই কৃষ্ণের মুখে মাখন দেখানো হয়েছে। এমন নয় যে, এ কোনো মাখনের গোলা। দুই বাঁদর নিজেদের মধ্যে লড়াই করে আর মাখন কৃষ্ণ পেয়ে যায়। এ কোনো ভাইয়ের লড়াই নয়, এ হলো বাঁদরের লড়াই। বিকারের এই পাঁচ বাঁদরের নাম খুবই নাম আছে। এখন তোমরা কৃষ্ণের সাম্রাজ্য তৈরী করছো। বিশ্ব - মালিকানার মাখন তাই তোমরা পাবে। লেন - দেন বা কর্মের হিসেব - নিকেশ কেমন। খ্রীষ্টানদেরও কর্ম দেখো রাজধানী নিয়ে আবার ফিরিয়ে দিতে হবে। নিজেদের মধ্যে কত লড়াই করে। তবুও রাজত্বের মাখন তোমরাই পাবে। তোমরাই প্রিন্স - প্রিন্সেস হও। বাচ্চারা, তোমাদেরও অতি দয়ালু প্রেমের সাগর হতে হবে। নিজের মনে কোনো ঘৃণা আনবে না। দুনিয়াতে তো একে অপরের প্রতি ঘৃণা করে। যথা রাজা - রানী তথা প্রজা -- নম্বর অনুযায়ী ঘৃণা করে থাকে। নিজেদের মধ্যে লড়াই - ঝগড়া করে মরবে।

বাবা খুব ভালোভাবে বোঝান, এতে ঘৃণার কোনো কথা নেই। এই নাটক তো বানানো হয়ে আছে। প্রত্যেক মানুষ নিজেদের নীচ - পাপী বলে। মন্দিরে গিয়ে নিজের প্রতি ঘৃণার প্রদর্শন করে। মহাত্মাদের পবিত্র মনে করে তাদের চরণে মাথা ঠুকতে থাকে। তারা বলে যে, আপনি পবিত্র কিন্তু আমরা পতিত। এই সব কথা তো বাবাই জানেন।

মানুষ গড ফাদারের নামে শপথ করে কিন্তু সেই শপথও মিথ্যে হয়ে যায় কেননা তারা গড ফাদারকেই জানে না। যদি গড ফাদার বলে শপথ করে তাহলে বুদ্ধিতে এই কথা আসা উচিত যে,

তাঁর থেকে তো আমাদের অবিনাশী আশীর্বাদী বর্ষা পাওয়া উচিত । স্বর্গ কেমন হয়, তা কেউই জানে না । আরে তোমরা তো বলো যে অমুকে মারা গেছে তাই স্বর্গবাসী হয়েছে । তাহলে কোথায় গেলো ? কিছুই বুঝতে পারে না । বাবার কারোর প্রতিই কোনো ঘৃণা নেই । সবার জন্য তাঁর মনে প্রেম আছে ।

এখন তোমরা বাচ্চারা সামনে বসে আছো । বাবার বাচ্চাদের বিশেষ ভাবে আর বাকি সবাইকে সাধারণ মনে করা হয় । বাচ্চারা, তোমাদের পড়িয়ে আমি জীবন মুক্তিতে নিয়ে যাই আর বাকি সবাইকে মুক্তিধামে নিয়ে যাই । আমার সকলের প্রতিই প্রেম আছে । ওই গভর্নমেন্ট তো অনেক প্ল্যান বানাতে থাকে । বাবা বলেন, আমার একটিই প্ল্যান । পতিত মানুষদের পবিত্র দেবী দেবতা তৈরী করা । মানুষ ডাকে যে, হে পতিত পাবন এসো । কিন্তু তাঁকে না জানার কারণে বলে দেয় যে, আমরাই পতিত পাবন । তাই বাবা বলেন যে, প্রথমে বড়র থেকেও বড় চিফ জাস্টিসদের সেবা করো । তাদের বোঝানো দরকার যে, আল্লার বাবা তো একজনই, তোমরা কেন তাঁর নামে শপথ করাও ? শপথ করানোর সময় কি কৃষ্ণের কথা মনে আসে ? খৃষ্টানদের জিঞ্জিৎস করো, ক্রাইস্টের কথা কি মনে আসে নাকি গড ফাদারের কথা ? তোমরা জানো যে পাপ করলে দণ্ড ভোগ করতে হবে । বাবা কিন্তু কখনো দণ্ড দেন না । তিনি হলেন করণকরাওনহার । তিনি ধর্মরাজকে দিয়ে শাস্তি দেওয়ান । গড হলেন অতি প্রিয় বাবা । ওরা মিথ্যা বদনাম দেয় যে, বাবাই সুখ দুঃখ দেন । তাহলে কি তিনি নির্দয় ? গায়ন আছে তো, তিনি দয়ালু । বাবা বলেন যে, আমি কি করে নির্দয় হবো । মায়া তোমাদের প্রতি নির্দয় আচরণ করেছে । আমি তো তার থেকে তোমাদের মুক্ত করি । মায়া তোমাদের শাপিত করেছে । এও এক খেলা । সুখধামকে দুঃখধাম হতেই হবে । ভারতই একসময় সুখধাম ছিলো এখন তা দুঃখধাম । বাবা তোমাদের আবার সুখধামের মালিক করেন । কিন্তু তিনি খোড়াই নিজে তোমাদের এমন দুঃখধামের মালিক করবেন । বাচ্চারা বলে যে, বাবা হলেন প্রেমের সাগর । বাবা, তোমার শ্রীমতে চলে আমরা নিজেদের পবিত্র করবো । নিজেদের প্রতি দয়া করবো । যত টিচারের কাছে পড়তে থাকবে, ততই নিজেদের উপর দয়া করবে । না হলে পাস করতে পারবে না । এখন তোমাদের বুদ্ধিতে খুব ভালোভাবে জ্ঞান আছে । তোমরা জানো যে নলেজফুল, মার্সিফুল, পতিত থেকে পবিত্র করেন একমাত্র বাবা । তাই তাঁর মতে চলতে হবে । নিজের মতের অর্থ হলো রাবণের মত । শ্রীমতে না চলে নিজের মত বা কোনো অন্য মানুষের মতে চললে ধোকা খেয়ে যাবে । শ্রীমত অনুযায়ী পদে পদে চললে তোমাদের তরী পার হয়ে যাবে । এই চড়াই অনেক উঁচু । মায়ার তুফান প্রতি মুহূর্তে আসতে থাকে । বাবার কিন্তু কারোর প্রতি কোনো ঘৃণা নেই । বাচ্চাদেরও এমনই হওয়া উচিত । সবাই তো এখন অজামিলের মতো পাপী । একটা গানেও তো আছে -- আমি এক ছোটো বাচ্চা । যেমন বলা হয় - আমি এক মাসের বাচ্চা । তোমার তো অনেক পবিত্র বাচ্চা আছে, যাদের তুমি পবিত্র করছো । তাহলে আমি এক ছোটো বাচ্চা, আমাকেও পবিত্র করো । তখন তিনি বলেন, তোমরা শ্রীমতে চলো তাহলে পুরানোর থেকেও খুব ভালোভাবে এগিয়ে যেতে পারবে । তোমরা তো লিস্টও পাও । দেবী করে এলে তোমরা শক্তির সঙ্গে যোগদান পাও । এই শক্তিও নম্বর অনুসারে । এমন বলা হয় না যে তোমরা শক্তির সঙ্গে বুদ্ধিযোগ লাগাও । তা নয়, শক্তির সঙ্গে তোমরা শঙ্খ ধ্বনি শোনো । বুদ্ধি যোগ বাবার সঙ্গে যুক্ত করতে হবে । বাবাকে স্মরণ করো তাহলেই বিকর্ম বিনাশ হবে । তোমাদের ঢাক পেটাতে হবে । এখানে অন্ধ শ্রদ্ধার কোনো কথা নেই । কলেজে কোনো অন্ধ শ্রদ্ধা থাকতে পারে না । এ হলো গড ফাদারলী ইউনিভার্সিটি । নলেজফুল গড ফাদার বসে বাচ্চাদের পড়ান । তোমাদের এম অবজেক্ট হলো মানুষ থেকে দেবতা হওয়ার । ওরা মানুষ থেকে ব্যারিস্টার হয় তাই

ওদের বুদ্ধিযোগ ব্যরিস্টারের সাথে থাকে । ডাক্তারের সাথে থাকে না । এও তো কলেজ, না কি অন্ধ শ্রদ্ধা ? এখানে এম অবজেক্ট আছে । গড ফাদার আমাদের পড়ান । গীতায়ও ভগবান উবাচঃ লেখা থাকে কিন্তু সেই ভগবান কে ? এ কথা যারা গীতা পড়ে তারাও জানে না । এই ব্রহ্মাও বলেন - আমিও গীতা পড়তাম । এখনকার মানুষ শাস্ত্রকে মানে না । গীতার কথা বললে তাদের বুদ্ধি চলে যায় কৃষ্ণের দিকে । তাঁকে তো সব ধর্মের মানুষ মানবে না । গীতা হলো শিব বাবার বর্ণিত সর্ব শাস্ত্র শিরোমণি । গড ফাদার যাঁকে বলা হয় তিনি হলেন স্বর্গের রচয়িতা । তাই বাবার থেকে তোমাদের স্বর্গের বর্সা পাওয়ার প্রয়োজন অথবা তোমাদের বাবার ঘরে ফিরে যেতে হবে । সকলেই ভগবানের কাছে যেতে চায় আবার সকলেই মুক্তি চায় । ওরা জীবন মুক্তির কথা কি করে জানবে । বাবা বলেন, আমি তো তোমাদের পড়াই । তাহলে আমি কি করে সর্বব্যাপী হবো । সর্বব্যাপী বললে মুখই মিষ্টি হয় না । তাই বাচ্চারা, এই কথা খুব ভালোভাবে ধারণ করো আর খুব মিষ্টি স্বভাবের হও । কাউকে ঘৃণা করা উচিত নয় । যারা সার্জন হয়, যতই খারাপ রোগ হোক না কেন, তাও তাদের দয়া হয় এবং তারা সেই রোগ থেকে রুগীকে মুক্তি দেন । তারা বুঝতেও পারে যে, কোনো খারাপ কাজ করেছে, তাই এমন কর্মভোগ । বাবা বলেন যে, মায়া প্রবেশ করার কারণে মানুষ বিকর্ম করে ফেলে এবং আরো পতিত হয়ে যায় । পাঁচ বিকারকে খারাপ মনে করা হয় তাই তো সন্ন্যাসীরাও এর থেকে পালান । পবিত্রতার অনেক মান । এ কথা তো বুঝতে পারো যে, আমরা প্রথমে দেবতাদের প্রণাম করেছি, তারপর সন্ন্যাসীদের নমস্কার করেছি, কারণ তাঁরাও পবিত্র থাকে । আচ্ছা ।

মিষ্টি - মিষ্টি হারানিধি বাচ্চাদের প্রতি মাতা - পিতা, বাপদাদার স্মরণ ভালোবাসা এবং সুপ্রভাত ।
রুহানী বাবার রুহানী বাচ্চাদের নমস্কার ।

ধারণার জন্য মুখ্য সার :--

১) খুব ভালোভাবে পড়ে, শ্রীমতে চলে পবিত্র হয়ে নিজের উপর দয়া করতে হবে । কখনোই নির্দয় হবে না ।

২) কারোর প্রতিই ঘৃণা করবে না । বাবার সমান প্রেমের সাগর হতে হবে ।

বরদান :--- প্রবৃত্তিতে থেকেও সমর্পিত হয়ে সেবার ধুনে থেকে বাপদাদার হৃদয় সিংহাসনে আসীন ভব

যে বাচ্চারা প্রবৃত্তিতে থেকেও সমর্পিত হয়, তাদের সহযোগে সেবার বৃক্ষ ফলীভূত হয়ে যায় । তাদের সহযোগই বৃক্ষের জল হয়ে যায় । গাছ যেমন জল পেলে ভালো ফল দেয় তেমনই শ্রেষ্ঠ সহযোগী আত্মাদের সহযোগে বৃক্ষ ফলীভূত হও । এমন সেবার ধুনে যারা সদা থাকে, প্রবৃত্তিতে থেকে যারা সমর্পিত থাকে, তেমন বাচ্চারা বাপদাদার হৃদয়াসনে আসীন হয় ।

স্লোগান :- কম সময়ে সঙ্কল্পকে ঘুরিয়ে ব্রেক লাগানোর যুক্তি যদি শিখে নাও তাহলে বুদ্ধির শক্তি ব্যর্থ হবে না ।